



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

16.03.2023

154-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet ichki tartib qoidalarini buzish holatlari kuzatilmoqda.

Xususan, 2023-yil 23-fevral kuni Jinoiy odil sudlov fakulteti 1-kurs G potok 3-guruh talabalari Mamurov Azizbek Volodya o'g'li va Gulmurodov Shahzodbek Raxmatulla o'g'lilar dekanat tomonidan bir necha bor ogohlantirilgan bo'lishiga qaramasdan universitet 1 va 2 binosining orqa tomonida Adliya vazirligi ro'parasida, taxminan soat 12:30 lar atrofida tamaki mahsulotini iste'mol qilgan.

Bundan tashqari, 2023-yil 9-mart kuni Jinoiy odil sudlov fakulteti talabalarining Odob-axloq kodeksi qoidalariga rioya qilish holati o'rganilganda 1-kurs G potok 1-guruh talabasi Baxtiyorov Ulug'bek Zokir o'g'li garchi universitet Odob-axloq kodeksi bilan tanishtirilgan hamda universitet hududiga soch va soqol o'stirmasdan kelishligi to'g'risida bir necha bor ogohlantirilgan bo'lishiga qaramasdan ushbu talaba dars mashg'ulotlariga soch va soqol o'stirgan holatda qatnab yurganligi aniqlangan.

Talabalar A.Mamurov va Sh.Gulmurodovlar o'zlarining yuqoridagi xatti-harakatlari bilan Toshkent davlat yuridik universiteti Odob-axloq kodeksining 16-moddasining birinchi qismi ikkinchi xatboshisi (giyohvand moddalar, psixotrop vositalar va ularning analoglari, alkogol va tamaki mahsulotlarini iste'mol qilish va tarqatish), sakkizinchi xatboshisi (universitet binolari va hovlisida, shuningdek, universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish) hamda 26-moddasi ikkinchi qismi ikkinchi xatboshisi (qonun hujjatlari va mazkur Kodeks talablariga rioya etish)da ko'rsatib o'tilgan qoidalarni buzgan.

Talaba U.Baxtiyorov o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksining 11-moddasi oltinchi xatboshisi

(xodimlar, talabalar va doktorantlarning tashqi qiyofasi va kiyimlari ozoda, pokiza bo‘lishi lozim) hamda 16-moddasi sakkizinchi xatboshisi (tashqi ko‘rinishga va belgilangan etiket qoidalariga zid ravishda sochlari o‘sgan, to‘zg‘igan, soqoli olinmagan va kiyinish talabiga rioya qilmagan holda kelish)da ko‘rsatib o‘tilgan qoidalarini qo‘pol ravishda buzgan.

Yuqoridagilarni inobatga olib, Oliy ta‘lim to‘g‘risidagi nizom (ro‘yxat raqami 1222, 2003-yil 22-fevral) 51-bandi va universitet rektorining 2021-yil 1-martdagi 08-44-son buyrug‘i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda Jinoiy odil sudlov fakulteti dekani D.Kamalovanning bildirgisiga muvofiq,

### **B U Y U R A M A N:**

1. Universitetning Jinoiy odil sudlov fakulteti 1-kurs G potok 3-guruh talabalar Mamurov Azizbek Volodya o‘g‘li va Gulmurodov Shahzodbek Raxmatulla o‘g‘liga universitet Odob-axloq kodeksining 16-moddasi 1-qismi, 2 va 8-xatboshilari, 26-moddasi 2-qismi, 2-xatboshisi talablarini buzganligi uchun hamda 1-kurs G potok 1-guruh talabasi Baxtiyorov Ulug‘bek Zokir o‘g‘liga universitet Odob-axloq kodeksining 11-moddasi 6-xatboshisi, 16-moddasi 8-xatboshisi talablarini buzganligi uchun hayfsan e‘lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):

mazkur holat takror sodir etilsa, talabalarni talabalar safidan chetlashtirish mumkinligi to‘g‘risida ogohlantirsin;

mazkur talabalarning shaxsiy hujjatlar yig‘majildiga buyruq nusxasi tikilishini ta‘minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

D.KAMALOVA

**Kelishildi:**

yuriskonsult

D.ALIBOYEV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV

